

Staðfesting forsetans á skipulagsskrá fyrir „Minningarsjóð Guðfinnu Einars- 21 dóttur“, útgefin á venjulegan hátt að mandatum af dómsmálaráðherra 1. febr. 1951. 1. febr.
Skipulagsskráin er þannig:

SKIPULAGSSKRÁ

fyrir Minningarsjóð Guðfinnu Einarsdóttur.

1. gr.

Sjóðurinn heitir Minningarsjóður Guðfinnu Einarsdóttur.

2. gr.

Sjóðurinn er stofnaður af Páli Magnússyni járnsmíðameistara, Bergstaðastræti 4, Reykjavík, til minningar um konu hans, Guðfinnu Einarsdóttur, Bergstaðastræti 4, Reykjavík, sem fædd var í Hafnarfirði 2. febrúar 1888, en andaðist í Reykjavík 4. marz 1950.

Stofndagur sjóðsins er 2. febrúar 1951.

3. gr.

Höfuðstóll sjóðsins er í upphafi stofnfé hans, kr. 38000.00 — þrjátíu og átta þúsund krónur — og hefur það verið lagt inn í sérstaka sparisjóðsbók í Landsbanka Íslands í Reykjavík. Verður sparisjóðsbókin afhent formanni sjóðstjórnarinnar, þegar að skipulagsskrá þessari staðfestri. Höfuðstóllinn vex á þann hátt, er segir í 4. gr., og má aldrei skerða hann né vöxt hans. Skal hann ávaxtast í tryggum verðbréfum, t. d. í skuldabréfum ríkis eða bæjar, örugum skuldabréfum, eða á annan hátt, jafntryggan og arðbæran.

4. gr.

Við hinn óskerðanlega höfuðstól sjóðsins skal árlega leggja helming allra tekna sjóðsins, hverju nafni sem nefnast, svo sem t. d. vaxta, gjafa, áheita, ágóða af sölu minningarspjalda, ákveði stjórnin útgáfu þeirra, o. s. frv. Sá helmingur tekna sjóðsins, er þannig leggst við höfuðstólinn, skal um allt lúta sömu reglum og hann.

5. gr.

Þeim helmingi tekna sjóðsins, er ekki leggst við höfuðstól hans, skal árlega verja í samræmi við tilgang sjóðsins, en hann er: Að búa sem bezt í haginn fyrir þau börn, sem verða sjúklingar í væntanlegum barnaspítala, sem Kvenfélagið Hringurinn í Reykjavík gengst fyrir að koma á fót. Skal það gert fyrst og fremst með heinum styrkveitingum til þeirra barna, sem þess eru mest þurfandi, en auk þess má sjóðstjórnin veita fé úr sjóðnum, er að hennar áliti má verða til þess að bæta kjör og aðbúð barnanna almennt á spítalanum með ráðstöfunum, sem ekki teljast til venjulegrar hjúkrunar eða læknishjálpar, en miða t. d. að því að börnin geti fengið eitt-hvað að starfa í spítalanum sér til dægrastyttingar eða heilsuþótar.

Ef tekjum þeim, sem verja á samkvæmt þessari grein, er ekki öllum úthlutað á árinu, flyzt afgangurinn yfir til næsta árs til ráðstöfunar.

6. gr.

Stjórn sjóðsins skulu skipa: Formaður Kvenfélagsins Hringurinn, yfirhjúkrunarkona væntanlegs barnaspítala og einhver nánustu ættingja Guðfinnu sál. Einarsdóttur, eftir ákvörðun sjóðstofnanda, meðan hans nýtur við, en síðar eftir ákvörðun

21 skrifstofustjóra dómsmálaráðuneytisins, nema nánustu ættingjar Guðfinnu sálugu 1. febr. komi sér saman um ákvörðun manns úr sínum hópi í stjórnina.

Skal stjórnin sjálf skipta verkum með sér og hafa á hendi umsjón sjóðsins og reikningshald.

7. gr.

Sjóðstjórninni ber að halda gerðabók fyrir sjóðinn og færa í hana skipulagsskrána, aðalefni úr erindum til stjórnar sjóðsins og svörum hennar við þeim, svo og samþykktir og annað, er varðar hag og rekstur sjóðsins.

Enn fremur ber stjórn sjóðsins að halda bók yfir eignir hans, tekjur og gjöld og færa í hana ársreikningana og skulu þeir undirritaðir af henni.

8. gr.

Reikningsár sjóðsins er almanaksárið og skulu reikningar fullgerðir fyrir lok febrúarmánaðar næst á eftir. Skulu þeir síðan birtir í B-deild Stjórnartíðindanna.

9. gr.

Nú þykja einhverjar breytingar óhjákvæmilegar á skipulagsskrá þessari og er sjóðstofnanda þá heimilt að gera þær, meðan hans nýtur, en sjóðstjórninni að honum látnum. Engar breytingar má þó gera, er brjóti í bág við tilgang sjóðsins, eins og honum er lýst í 5. gr.

Engin breyting á skipulagsskránni öðlast gildi, nema forseti Íslands staðfesti hana á sama hátt og skipulagsskrá þessa.

10. gr.

Greiðslur úr sjóðnum skulu heimilar, þegar er barnaspítalinn verður stofnaður, en þó ekki fyrr en 2. febrúar 1958. Þann dag skal fyrst heimil greiðsla af fé sjóðsins, enda hafi spítalinn þá tekið til starfa.

Styrkir úr sjóðnum til einstakra barna skulu árlega inntir af hendi á afmælisdegi Guðfinnu sál., 2. febrúar, en aðrar greiðslur þegar sjóðstjórninni þykir bezt henta.

11. gr.

Leita skal staðfestingar forseta Íslands á skipulagsskrá þessari og þeim breytingum, er á henni kunna að verða gerðar samkvæmt ákvæðum 9. gr.

12. gr.

Ákvæði til bráðabirgða og sérstök fyrirsmáli eru þessi:

1. Unz væntanlegur barnaspítali verður stofnaður, skulu formaður og gjaldkeri Kvenfélagsins Hringurinn í Reykjavík skipa stjórn sjóðsins, ásamt þeim nánasta ættingja Guðfinnu Einarsdóttur, er sjóðstofnandi tilnefnir.
2. Verði barnaspítalinn tekinn til starfa 2. febrúar 1958, skal þann dag fara fram fyrsta greiðsla úr sjóðnum og vera kr. 10000.00. Verði spítalinn þá ekki tekinn til starfa skal engin sérregla gilda um fyrstu greiðslu úr sjóðnum.
3. Hinn 2. febrúar 1988 skal úthlutað fjárhæð vera minnst kr. 20000.00, verði ekkert því til fyrirstöðu.

Reykjavík, 30. janúar 1951.

Páll Magnússon.